

• ҲУЗБЕКИСТОН РЕСПУБЛИКАСИ БОЛАЛАР ЖАМГАРМАСИ ВА ХАЛҚАРО «СОҒЛОМ АВЛОД УЧУН» ХАЙРИЯ ЖАМГАРМАСИ ҲАФТАЛ ИГИ

• Баҳоси эркин нарҳда

ШАНБАДАН ШАНБАГАЧА

17 январ куни Японияда қаттиқ zilzila юз берди. Шу муносабат билан Ўзбекистон Республикаси Президенти Ислоҳ Каримов Япония императори Акихито ва Бош вазири Томиити Мураямага ҳамдардлик мактуби йўлади.

Ўзбекистон Республикасининг Франциядаги фавқуллодда ва муҳтор элчиси этиб тайинланган Акмал Саидов 18 январ куни Франция Республикаси Президенти Франсуа Миттеранга ишонч ёрлиғини топширди.

Ўзбекистон Республикаси Валюта Биржасида бўлиб ўтган савдода бир АҚШ долларининг қиймати 25 сўм даражасида қайд этилди.

Ўзбекистон Журналистлар уюшмаси ва Ўзбекистон Давлат Матбуот қўмитаси саъй ҳаракати билан айни ислоҳатлар чоғида журналистлар маҳоратини ошириш ва журналистиканинг замонавий усуллариини ўргатиш мақсадида Тошкентда журналистларни қайта тайёрлаш маркази иш бошлади.

Республика Ногиронлар жамиятининг таклифига биноан Халқаро меҳнат ташкилоти (ХМТ) мутахассиси Ренни Жеймс хоним буюк Британиядан Ўзбекистонга келди. У Ўзбекистонда ногиронлар учун меҳнат ва саломатликни тиклаш маркази қурилишига қандай тайёргарлик кўриляётгани билан танишди. Бундай марказни қуриш учун БМТ маблағ ажратади.

Ўзбекистон Республикаси Давлат ўрмон қўмитасида республика машғулот-кенгаши бўлиб ўтди. Унда Ўзбекистон Вазирлар маҳкамасининг 1994 йил 8 февралдаги "Саноат теракчилигини ривожлантириш ва бошқа тез ўсувчи ёғочбон дарахтзорларни барпо этишга оид чора-тадбирлар тўғрисида" ги қарорига биноан бундай хом-ашёга бўлган эҳтиёжни яқин йиллар ичида ўзимизда етиштирилиши ҳисобига қондиришининг асосий йўл-йўриқлари белгиланганди. Ўтган фурсатда амалга оширилган қарор ижроси машғулот-кенгашда муҳоама қилинди. Уни республика Бош вазири Абдулҳошим Муталов бошқарди.

Ўзбекистон Республикаси Бош вазири ўринбосари, республика Молия вазири Б.Ҳамидов Бирлашган Миллатлар Ташкилотининг мамлакатимизда меҳмон бўлиб турган Рожер Маканик бошчилигидаги миссияси вакиллари билан учрашди. Учрашувда Ўзбекистон билан Бирлашган Миллатлар Ташкилоти ўртасидаги алоқаларни янада ривожлантириш билан боғлиқ масалалар юзасидан фикрлашиб олинди.



Р. АЛБЕКОВ сурати

Ушбу сонда:

• 3-бет

Жаннат опа

• 4-бет

Рамазон тақвими

• 7-бет

ТВ программаси

• 8-бет

Уч ёшида китоб ўқир эди

«Оила ва жамият» 2 (174)

Қиссадан ҳисса

ТИЛИГА АСАЛ СУРТГАН МУТТАҲАМ

Маълумки, кўпчилик уй-жойдан бошпана сифатида фойдаланади. Уй-жойи кўплар эса, уйлари ижарага беришади еки пулларнинг ҳозирда энг "модний"си бўлмиш "кўки"га сотиб янги ўсган ниҳолдек бўйинларини бир қарич кўтариб юридилар.

Дарвоқе, Тошкент шаҳрининг Акмал Икромов тумани ички ишлар бўлими ходимлари яқинда уй-жойдан фойдаланишнинг антиқа усулини кўллаб, фақатгина пул, мол еки "кўки"нигина эмас, балки нақд сарифини, яъни тилдосини тапган топарман, тўғр роғи топган жойини таппа босадиган босқинчи ва

талончи йигитни топиб, тутиб келдилар. Тутқундаги йигитнинг ҳикоя қилишича, у нафақат ўз уй-жойидан, балки бошқа инсонларнинг хонадонларидан ҳам фойда олишининг анча ҳадисини олган экан.

Хуллас... Яқинда у, Акмал Икромов туманидаги хонадонлардан бирига кириш учун темир қалит еки лўм қидириб ўтирмабди. Тилига асал "суриб", "қизим эшикни ачақол, мен уй-жой бошқармасиданман" деган экан, хонадондаги еш қизча унга ишониб эшикни ланг очибди. Шу йўл билан ичкарига "эсон-омон" кириб олгач, "ширин" тилига заҳар

суртгани камдай, қўлига пичоқ ҳам олибди. Норасидага "тилла тақинчоқларни толиб бермасанг..." дея дўқ урган экан, бечора қизча ночор, тақинчоқларни олиб чиқиб берибди.

Терговчиларнинг фикрича, ишонинг еғини ялаган бу жиноятчи фаолиятининг ҳали кўп қирралари очилгани йўқ. Бизнинг эса, сизга эслатиб ўтмоқчи бўлганимиз, яъни қиссамиздан ҳисса шул: айниқса шаҳар жойда яшовчилар, **ЕШ БОЛАЛАРИНГИЗНИ УЙДА АСЛО ЕЛГИЗ ҚОЛДИРИБ КЕТМАНГ!**

Шухрат РЎЗИЕВ,
Республика ИИБ Матбуот
маркази ходими

Ўзбекистон Ешлар Иттифоқи Республика мактаб ўқувчиларини ўз оталиғига олганлиги ҳаммаизга маълум. Хўш, Ешлар Иттифоқи яна қандай ташаббус билан чиқаяпти? Унинг режаси қандай? Саволларга жавоб олиш учун Ешлар Иттифоқининг Тошкент шаҳар кўмитаси биринчи котиби Равшан Абдуқодировга мурожаат қилдик.

— Равшан ака, илгари пионерлар ва октябрлар деган ташкилотлар бўларди. Уларнинг тақдири нима бўлди?


— Ешлар Иттифоқи мактаб ўқувчиларини ўз оталиғига олгандан буён анча ўзгаришлар қилдик. Мана Республика пионерлар ташкилоти "Республика болалар ва ўсмирлар" ташкилотига айлантирилди. Октябрлар эса "Ғунчалар" деб аталадиган бўлаяпти.

— Бу ташкилотларнинг авалгиларидан фарқи нимада?

— Олдинги пионер ва октябрлар ташкилоти болаларни коммунистик мафкурага ўргатиш мақсадида қабул қилинган барчага маълум. Энди бизни бу ташкилотларни номи ҳам, мақсади ҳам илгаригидан тубдан фарқ қилади. Биз болаларга ўзимизнинг миллий мафкурамизни ўргатмоқчимиз, токи улар ўз миллатини, ватанини танисин ва ардоқласин.

— Илгари пионерларча "чест" ва шорлар бўларди...

— Биз улардан бутунлай воз кечиб, миллий ахлоқ-одобимиздан келиб чиққан ҳолда олдинги "Бўл тайёр" шiori ўрнига "Ватан, Дўстлик, Эзгулик ва адолат учун" деган шiori ва "Ҳар доим тайёр" шiori ўрнига "Иймон, эътиқод,



ИЙМОН, ЭЪТИҚОД, ПОКЛИК ДИЛИМИЗДА

поклик дилимизда, иззат-одоб ила кўлимиз кўксимизда" деган шioriни таклиф қилмоқдамиз. Бошқа таклифлар ҳам марказий кўмитамизнинг "Болалар ва ўсмирлар" ташкилотиде ўрганилиб чиқилмоқда.

— Отрядлар, дружиналарни нима қилмоқчисизлар?

— Улар ўрнига юқорида айтиб ўтган "Ғунчалар" ҳамда "Болалар ва ўсмирлар" ташкилотининг жойлардаги бўлимлари ташкил қилинади. Уларнинг "вожатий"лари эса "сардор"лар деб номланади.

— Бу ташкилотларга қабул

қилиш қандай тарзда ўтказилади?

— Қабул қилиш ҳеч қандай маросимларсиз, кўполроқ қилиб айтганда ўз-ўзидан амалга оширилади. 1-3 синф ўқувчилари "Ғунчалар" аъзоси, 3-синфдан кейин эса "Болалар ва ўсмирлар" ташкилоти аъзоси ҳисобланади. Чунки Ватанимизнинг ҳар бир ўсмир болалари бу ташкилот сўзсиз киришлари муқаррар.

— Уларнинг кўкрак нишонлари ҳам бўладими?

— Ҳозирча кўкрак нишонлари қандай бўлиши ҳақида таклифлар ўрганиб чиқилмоқда. Биз ҳам ўз-так-

Етти кун

АДИБ ХОТИРАСИ

Навий педагогика институтиде ўзбек халқининг атоқли фарзанди Ойбек таваллудининг 90 йиллигига бағишланган адабий кеча бўлиб ўтди. Кеча давомида адиб ҳаёти, ижодий фаолияти ҳақида гапирилди, талабалар тилида шоирнинг шеърлари янграб турди.

МАҚОМЧИЛАР УСТОЗИ

Хоразмда Хожихон Болтаевнинг 90 йиллиги кенг нишонланмоқда. 60 йилдан кўпроқ вақт давомида мумтоз ашулаларни маромига етказиб кўйлаган хофиз хотирасига ўзи туғилиб ўсган Хонқа туманида ёдгорлик ўрнатилди. Ушбу маросимда ашулалар Орифхўжа Алимахсумов, Орифхон Ҳотамов ҳамда республика Маданият ишлари вазирлиги, Қорақалпоғистон республикаси, Тошқовуз ва бошқа ҳудудлардан келган вакиллар ва устознинг шогирдлари қатнашди.

Хонқаде уста санъаткор боғида унинг уй музейи ташкил қилинди.

УЧ ЧАҚАЛОҚ

Андижон шаҳрининг 1-туғруқхонасида бирданига уч чақалоқ дунёга келди. Булоқбоши туманининг Оқсув кўчасида яшовчи уй бекаси Дилдора Абдуллаева ана шу бахтга мўъассар бўлди. Ҳасан, Ҳусан ва Фотималарнинг саломатлиги яхши. Шифокорлар чақалоқлар билан биргаликда уларнинг онаси Дилдоранинг саломатлигини ҳам доимо кузатиб турибдилар.

СУРХОНДА БОДОМ ГУЛЛАДИ

Сурхондарелик ҳайдовчи Эргаш Жўраевнинг томорқасида бодом гуллади. Январнинг бошида баҳордан мужда келтирган дарахтларининг "феъли"дан шофёр-боғбоннинг ўзи ҳам ҳайрон бўлиб юрибди.

КЎРМАНА ФОЙДАГА ҚОЛДИ

Олтинсой туманидаги бир боғбоннинг қизини қўшни қишлоқдаги йигитга нон синдириб кетиши. Шундан сўнг келиннинг отаси бозорга бориб, қизига ул-бул харид қилди. Кейин эса бекатда автобус кўтди. Автобус ҳам ҳа деганда келавермади. Шунда у ёнидаги йигит билан уёқ-буюқдан гурунглашиб ўтирди. Суҳбат шу қадар қизиқ кетдики, ҳатто айрим масалаларда иккаласи баҳслашиб ҳам олдилар. Хўш, бунинг нимаси қизик, дерсиз. Гап шундаки, бир-бирларини умрида кўрмаган қайнота ва кўев буюғидан беҳабар гап талашиб туришган экан. Бунинг кейин билиб қолган кўев анча ҳижолат тортди, қайнота эса, "бўлар иш бўлди, кўрмана ёнга қолди-да" деб қўя қолди.

ЎЗ МУХБИРЛАРИМИЗ ВА МАТБУОТ ХАБАРЛАРИ АСОСИДА ТАЙЕРЛАНДИ

ўқувчисига фақат бир йилда бир маротаба бериладиган "Нурли авлод" мукофотини таъсис этмоқчимиз. Бу мукофот фақат шаҳар миқёсидаги мукофот сифатида ташкил қилинмоқда. Умуман олганда биз болалар ва ўсмирлар билан ишлаш борасида пойтахтда туб бурилиш яшашимиз керак. Уйлаймики, бунга албатта эришамиз.

— Мукофот пулли бўладими еки фахрий ёрликлар ва совғасаломлардан иборатми?

— Фахрий ёрлик, совғасаломлар билан бирга иложи бори-ча пулли мукофот беришга ҳаракат қилаялмиз. Еки бўлмаса бирор бир ўқувчилар дам олиш уйига йўллама тўғрилаб бермоқчимиз. Албатта бу ўқув йилининг энг аълочиси бўлган ўқувчига тақдим этилади.

Э. ЭШОНҚУЛОВ
суҳбатлашди

«Оила ва жамият» 2 (174)

ЭСЛАТМА

I. Муборак Рамазон ойининг биринчи куни 1995 йил 1 февралдан бошланади.

II. Рўза тутишда ўқиладиган дуо: "Навайту ан асума шаҳри Рамазона минал фажри илал мағриби холисанлиллаҳи Таоло". Маъноси:

"Аллоҳ таоло учун Рамазон ойининг рўзасини ихлос билан тутмоқликни субҳдан то кун ботгунга қадар ният қилдим".

III. Оғиз очилаётганда ўқиладиган дуо: "Аллоҳумма лака сумту ва бика аманту ва алайка таваккалту ва ала ризқиқа афтарту". Маъноси:

"Эй, Аллоҳ, ушбу рўзамни фақат сенинг учун тутдим, сенга иймон келтирдим ва сенга таваккал қилдим ва сен берган ризқинг билан ифтор қилдим".

IV. 1995 йил 3 март жума—муборак Рамазон ҳайити куни бўлиб ҳайит намози кун чиққандан 15 дақиқа ўтгач ўқилади.



Виқор
АБДУЛ ҒАНИ ЖУМА сурати

Фаридиддин АТТОР

ШАЙХ ШИБЛИЙ ВА НОНВОЙ ҲИКОЯТИ

Бир шаҳарда бир нонвой яшар экан. У Абубакр Шиблийнинг шуҳратини эшитиб, шайхнинг ўзини кўрмай, унга кўнгил боғлаган экан. Аммо шайхни бир кўрсам деган иштиёқ билан ёнаркан. У кўриб ошиқ бўлмаган, балки эшитиб ошиқ бўлгани сабабли шайхнинг қиёфасини хаёлида гавдалантирар, ҳар хил одамларни кўз олдига келтириб кўрар эди.

Нима бўлдию кунларнинг бирида шайх Абубакр Шиблий нонвой яшайдиган шаҳарга кириб келди. Шайх шаҳарни айланиб, ҳалиги нонвой дўкони ёнидан ўтиб қолди ва битта кулчани олиб ея бошлади. Шу пайтда нонвой бун кўриб, нонни Шиблий қўлидан тортиб олди ва қаттиқ дашном берди. Шиблий ноумид бўлиб ўтиб кетди. Нонвойнинг ёнидаги одам унга қараб деди:

— Бу одамни танийсанми, бу Абубакр Шиблий бўлади. Шиблийга шунча эътиқодинг бору, лекин бир бурда нонни раво кўрмай қўлидан тортиб олдинг.

Нонвой аттанг-афсуслар қилиб, Шиблийнинг орқасидан чопти. Шиблий аллақачон шаҳардан чиқиб, чўлга равона бўлган эди. Нонвой бориб, унинг орқасидан охири етиб олди. Шайхдан узр сўради, садоқати, муҳаббатини айтди, ёлборди. Шунда Абубакр Шиблий унга деди:

— Бўлмаса, бир зиёфат мажлисини ташкил қилгин, мени зиёфатга қақиргин.

Нонвой бу сўздан хурсанд бўлиб, дарҳол шайхнинг айтганларини бажарди. Шоҳона зиёфат

ташкил этди, шаҳарнинг казо-казолари, турли тоифалардан меҳмонлар таклиф этди. Ҳамма анвойи таомлар қўйилган дастурхон атрофига йиғилди. Шайх Шиблий дуои фотиҳа қилди. Меҳмонлар энди таомга қўл ураётганда, ўтирган азизлардан бири Шиблийга мурожаат қилиб, сўради:

— Эй, шайхи муршид, айтингчи, дўзахий ким ва жаннатий ким?

Шиблий жавобда деди:

— Агар дўзахийни кўрмоқчи бўлсанг, шу зиёфатнинг соҳибига назар сол. Шуҳрат учун шунча пул сарфлаб бизни қақиртирди, Аммо худо йўлига бир бурда нонни дарвешга бермади. Агар у муҳтож дарвешга саховат-хайрмат кўрсатиб нонни берганида жаннатий бўларди.

Худопараст бўлсанг, ихлос-эътиқод билан яша, худони аввало ихлос билан севмоқ керак. Ихлос-халос, яъни худого ихлоси бор киши қолган барча тамаъ, шуҳрат, гаразлардан халосдир. Риё эса худопарастлик эмас, балки итпарастликдир. Ит учун ҳозир но зир бўлсангу ҳақ учун тайёр бўлмасанг, шубҳасиз, кофирсан.

Сўз айтдим, тамсил келтирдим, маъноси у қиб ол, доно китобхон. Ҳирс нима, нафс нима, билиб ол. Ҳақни севган инсонларнинг имони сенга ёр бўлсин. Ҳақ таоло ҳам имон-садоқати борларни севади. Бу улуг аҳддир бандаси ва Раббу оламин ўртасида.

"Илоҳийнома"дан

Н. КОМИЛОВ нарий
таржимаси

Саҳарлик ва ифторлик вақтлари

ИФТОР соатда	САҲАРЛИК соатгача	Ҳафта кунлари	феврал март	РАМАЗОН
17-44	5-53	Чоршанба	1	1
17-45	5-52	Пайшанба	2	2
17-47	5-51	ЖУМА	3	3
17-48	5-50	Шанба	4	4
17-49	5-49	Якшанба	5	5
17-50	5-48	Душанба	6	6
17-52	5-47	Сешанба	7	7
17-53	5-46	Чоршанба	8	8
17-54	5-45	Пайшанба	9	9
17-55	5-44	ЖУМА	10	10
17-56	5-43	Шанба	11	11
17-58	5-42	Якшанба	12	12
17-59	5-41	Душанба	13	13
18-00	5-40	Сешанба	14	14
18-01	5-39	Чоршанба	15	15
18-03	5-38	Пайшанба	16	16
18-04	5-37	ЖУМА	17	17
18-05	5-36	Шанба	18	18
18-06	5-35	Якшанба	19	19
18-07	5-34	Душанба	20	20
18-09	5-33	Сешанба	21	21
18-10	5-32	Чоршанба	22	22
18-11	5-31	Пайшанба	23	23
18-12	5-30	ЖУМА	24	24
18-13	5-29	Шанба	25	25
18-14	5-28	Якшанба	26	26
18-16	5-26	Душанба	27	27
18-17	5-25	Сешанба	28	28
18-18	5-23	Чоршанба	1	29
18-19	5-22	Пайшанба	2	30

ҲАДИСЛАР

Рўза хусусида Оллоҳ таоло бундай дейдир:

"Эй мўминлар! Сизлардан олдин ўтган бандаларга фарз қилингани янглиғ, қилсаларга ҳам рўза тутмоқ фарз қилингайдир. Шоядки, сизлар тақво қилсангизлар!"

...

Абу Ҳурайра (Р.А.) ривоят қиладилар:

"Расулulloҳ (САВ) бундай деб айтганлар: "Рўза дўзах ўтидан ас-ровчи воситадир. Бинобарин, рўза тутган киши ҳақорат сўзларни тилга олмасин, сўзлашганда бақирмасин, бировни масҳара қилмасин! Агар бирор киши рўзадор билан уришса ёким уни ҳақорат қилса, рўзадор икки бор: "Мен рўзамен" десин! Оллоҳга қасамёд қилиб айтурмен-ким, рўзадорнинг оғзидан келган бўй, Оллоҳ наздида мушк-анбар бўйидан ҳам хушбўйроқдир, чунким Оллоҳ таоло: "Рўзадор мени деб еб-ичмас ва мени деб рўза тутар. Бинобарин, унинг мукофотини ўзим бергайдирмен, ва ҳар яхшилиги эвазига мендан ўн баробар мукофот олғусидир", — дейдир.

...

Саҳл разияллоҳу анҳу ривоят қиладилар:

"Жаннатда Район номли бир эшик борди, — дейдилар Жаноб Расулulloҳ (САВ), — бул эшикдан рўзани қанда қилмай тутганларгина киргайдилар, холос. Қиёмат куни "Рўзадорлар қани!" деб нидо қилингайдир. Шунда улар ўринларидан туриб мазкур эшикдан киришгайдир. Сўнг эшик ёпилгайдир. Улардан бошқа бирорта одам бу эшикдан қира олмас".

...

Абу Ҳурайра (Р.А.) ривоят қиладилар: "Расулulloҳ (САВ) "Агар Рамазон кирса, осмон эшиклари очилиб, дўзах эшиклари берки-тилгайдир ҳамда шайтонлар қишанлангайдир", — деганлар.

...

Кимки ёлғон сўзламоқни тарк этмаса ва Оллоҳ қайтарган нарсалардан қайтмаса, рўза тутиб, емай-ичмай қўйгани бирлан рўзаси қабул бўлмагайдир. Оллоҳ унга раҳмат назарини ташламагайдир.

Имом Бухорийнинг "ал-Жомий ас-Саҳиҳ" китобидан

«Оила ва жамият» 2 (174)

Чустдаги "Барийон" заводининг мингдан ортиқ ишчиси — уларнинг кўпчилиги аёллар эди — ишсизлик хавфи остида қолди. Бунинг сабаби аён: завод ишлаб чиқараётган маҳсулот учун хомашё ва бутловчи маҳсулотлар илгари МДХ мамлакатларидан келтирилган, энди эса бу алоқалар узилиб қолган эди.

Наманган вилоят меҳнат, аҳолини иш билан таъминлаш ва ижтимоий муҳофаза бошқармаси корхона эҳтиёжлари учун беш миллион сўм маблағ ўтказиб, завод жамоасининг жонига оро кирди. Ҳозир заводда халқ истеъ-

Ушанда бу ерда мингга яқин киши иш билан таъминланади. Норин туманида қурилаётган нам шимадиган пахта ишлаб чиқариладиган заводда ҳам ана шунча киши ишга жойлашиши мумкин.

— Бугунги кунда биз вилоятдаги кўпгина корхоналар қурилишида фаол иштирок этаймиз, — дейди бошқарма бошлиғи Х. Ҳожиматов. — Ҳиссадорлик асосида ишлаш ташкилотга янги ишчи жойларини барпо қилиш, кўшимча маблағ топиш имконини беради. Маблагимиз корхоналар, ташкилотлар, хўжаликларнинг икки фозилик тўловидангина эмас, ўзимиз бевосита

учун яхши иш топиш масаласи унчалик кескин эмас. Бошқарма мутахассислари амалга ошираётган "иш билан таъминлаш" дастури асосида бу йил 20 мингдан ортиқ иш жойи барпо қилиниши керак. Ўтган йили ҳам шунча иш жойи барпо қилинган эди. Уларнинг катта қисмини қишлоқ жойларида ташкил этиш кўзда тутилган.

Наманган туманида бошқарма берган узоқ муддатли кредит ҳисобига дубоа ишлаб чиқариладиган цех қурилиши ниҳоясига етай деб қолди. Бир қанча туманлардаги кичик ноинвоҳоналар қурилишига ҳам маблағ ажра-

малакали, энг аввало техник мутахассислар учун иш топиш билан ҳам шуғулланмоқда. Вилоятдаги энгил ва тўқимачилик саноатининг бир гуруҳ хизматчиси Жанубий Кореяга бир йил муддатга малака ошириш учун жўнаб кетиш арафасида турибди.

Хуллас, қаерда, нима иш қилсам экан, деган савол қанчалик жиддий, мураккаб, бўлмасин, вилоят меҳнат бошқармаси мутахассислари кўмагида бу саволга ҳар доим жавоб топиш мумкин. Хоҳиш бўлса бас, иш топилади...
Н. ХҲЖАЕВА,
ЎЗА мухбири

ХОҲИШ БЎЛСА БАС, ИШ ТОПИЛАДИ

моли молларининг янги турларини яратиш ва ишлаб чиқаришга тайёргарлик кўрилмоқда.

Бошқарма кишиларни меҳнат биржалари орқали ишга жойлаштиришдан ташқари, ишга туширилаётган янги корхоналарга тенг ҳуқуқли миждо бўлмоқда. Косонсойдаги пиллакашлик фабрикаси қурилишига ҳам каттагина маблағ — беш миллион сўм ўтказилди. Корхона бу йил ишга туширилади.

корхоналарда ишлаб топган пулдан ҳам ташкил топади.

Меҳнат бошқармаси бу йил хусусий тадбиркорликни ривожлантиришга ҳам маблағ сарфлашга қарор қилди. Ҳурақурғондаги "Тулпон" фирмаси ҳисобига беш миллион сўм ўтказилди. Бу фирма ғарбий Германиялик ишбилармонлар билан ҳамкорликда эркаклар костюми ишлаб чиқаради.

Кўриб турибсизки, наманганликлар

тилмоқда, қишлоқ жойларида хизмат кўрсатиш тармоқлари кенгайтирилмоқда. Вилоят аҳолига маиший хизмат кўрсатиш бошқармаси эҳтиёжининг ўзига ўтган йили 350 миллион сўм ўтказилган эди.

Бошқарма юксак

Ривоятлар бизни тарих билан боғлаб турадиган воситалардан биридир. Мозийнинг сурон ли ҳаётидан тушунча берадиган ойнаи жаҳондир. Ривоятлар сизу бизга воқелиқни батафсил еритмас а-да, ўша муҳитнинг энг ибратли воқеа, ҳодиса, ўғитларини баён қилади. Уни ўқиб маънаи гўзаллашиш билан бирга ота-боболар ҳаётидан хабардор бўласиз. Ривоятларга боболаримиз, жомоларимиз айни шундай қиш кунлари сандал атрофида исиниб, сайқал беришган бўлса не ажаб. Ҳа-ҳа, ривоят тўқилмайди, балки ўтган ибратли воқеаларга сайқал берилади ҳоло.

Қуйида эътиборингизга ҳавола этилаётган ривоятлар неча асрлардан буён тилдан-тилга, китобдан китобга ўтиб келяпти. Лекин уларни ҳар сафар ўқиётганимизда янги-янги маънолар топаверамиз. Чунки, ривоят-катта ўғит. Бу ўғит эса ўғитчалардан иборат. Уларни ҳаёт ўз синовидан ўтказиб саралаган, жой-жойига қўйиб чиққан.

Ҳурматли муштарийларимиздан уларни ўқишларини ва маъқул келса бизга мактуб йўллашларини сўраймиз. Зеро, ана шундай ривоятларнинг берилиши сизнинг талаб ва истақларингиз асосидаги ҳулосадан келиб чиқади.

ТАҲРИРИЯТ

ЗУККО ҚИЗ ВА ДОНО ЙИГИТ

Қадим-қадим замонда Мулла Воҳид исмли доно йигит ўтган экан. У кўп ақлли, доно ва фаҳм-фаросатли экан. Самарқанду Бухорода, Дамашку Қоҳирада ўқиб анча-мунча илм орттирган экан. Шу боис одамлар уни "Алломаи замон" деб аташаркан. Кунлардан бир кун у сафарга чиқибди. Таниш-нотаниш одамлар орасида бўлиб кўплаб дўстлар орттирибди. Юриб-юриб бир шаҳарга етиб борибди. Тўғри келган уйнинг эшигини тақиллатибди. Уйдан кампир чиқиб:

— Нима юмушинг бор болам? Агар меҳмон бўлсан, ҳолим бозордан келсин, ўшанда уйга кирарсан, — дебди.

— Эй, она, менга бир коса сув берсангиз бўлгани. Узоқдан келаётирман кўп сувсадим, — дея ўзини таништирибди, Мулла Воҳид кампирнинг гапига жавобан. Кампир уйга кириб кетиб бир коса сув олиб чиқибди. Косани қўлига олган Мулла Воҳид сувнинг лойкачилигини кўриб ичидан ўзини тийибди.

— Сувнинг муздеклигидан кўзада сақлаганга ўхшайсизлар. Аммо негадир лойқароқ-а? — деб сўрабди Мулла Воҳид кампирдан.

— Бу қизимнинг иши, — гапни давом

эйтирибди кампир. — У атайлаб сувни чайқатиб лойқалаган. Узоқ йўл босиб келган бўлсанг, тамоғинг қуруқшаб танинг қизиган. Шу ҳолатда сув ичсанг ичакларинг яллиғланиши мумкин. Сув тинигунча тана ҳароратинг анча пасаяди. Шундан сўнг ичсанг бўлади.

Мулла Воҳид сувнинг тишинини куттибди. Бу орада тана ҳарорати ҳам анча пасайибди. Сувни ичиб ўзига-ўзи дебди: "Мен шунча ўқиб, шунча юрт кезиб шу кизчаллик бўлполмабман. Бордию, тўғри келса шу кизга уйланаман. Қанча олмайиб барибир бундан ортингни топа олмаман..."

Уйга келиб ота-онасини ўша қизниқига совчиликка юборибди. Улар узоқ йўл босиб қизниқига етиб келишибди. Эшикни тақиллатган экан яна ўша кампир чиқибди. Совчилар: "Бола-миз айтган хонадон шу экан", дея сувдан ичиб мақсадга ўтибди:

— Сизда қиз бор экан, бизда ўғил бор, шуларнинг бошини қовуштиргани келдик. Қиз бизники, ўғил бизники бўлсин, — дейишибди. Кампир уларни ичкарига бошлаб қоли билан қизига совчилар келганини билдирибди. Қиз одатдагидек совчиларга савол билан мурожаат қилибди:

— Ўғлингизнинг касби нима?

— Ўғлимиз олим. Кўпни кўриб дунё кезган сайёҳ, — дейишибди.

— Бу касб эмас, ҳавас — дебди қиз.

— Мен нима касби бор деб сўраялман? — Касбини билмадигу аммо илми билан сайёҳлиги бор — яна такрорлабди, ота-она.

— Демак, олим бўлибди-ю, одам бўлмабди. Сайёҳлик қилибдию ақл кирмабди. Мен у кишига, у киши менга лойиқ эмаскан, сизларга жавоб, — деб совчиларни қайтариб юборибди.

Мулла Воҳиднинг ота-онаси тарвузлари қўлтиқларидан тушиб қайтиб келишибди-да бўлган воқеани ўғлига айтиб беришибди. Шунда ўғил: — Мен кўп ўқиб олим бўлибман-у, одам бўлмабман. Олам кезибману ақлу-ҳушим жойига келмабди. Мен ҳунар ўрганишим, саёҳатда юриб сувни қачон ичишу, қачон ичмасликни билишим керак эди, — деб ота-онасидан изн сўраб бир устага шогирд тушиб уй қуриш, девор тиклаш, безаш ишларини ўрганибди. Саёҳатга чиқиб иссиқ совчуқнинг фарқига етишни ўрганибди. Шундан сўнг қизниқига яна ота-онасини юборибди. Қиз совчиларни яна синаб кўрибди.



Р. Альбеков сурати

